




容甫先生遺詩



汪容甫遺詩

四部叢刊集部



上海涵芬樓假無錫  
孫氏威本景印元書  
板心高營船尺六寸  
四分寬四寸二分

容甫先生遺詩題辭

劉台拱

汪中字容甫江都拔貢生博聞強記通知古今才學識三者皆有以過人爲文  
鈞貫經史鎔鑄漢唐閎麗淵雅卓然自成一家早歲喜爲詩三十以後絕不復  
作舊藁多散失今錄其僅存者若干首

喜孫謹按劉先生校述學并寫定遺詩喜孫益肆搜羅都爲一冊有朋舊遺  
詩入選而茲冊未載以先大夫草藁自刪不敢有加焉喜孫記



容甫先生遺詩目錄

卷一

梅蒙作噩

靜夜

柔兆閏茂

過張明府

歸耕操

秋夜舟中作

古詩答方立堂緣情感道多哀怨之音

古詩

夜坐

白鳥

疆園大淵獻



代李泌建寧王挽辭

并序

唐建寧王倓既以讒死大歷三年加諡承天皇帝遣使迎喪彭原既至城門喪輜不動代宗謂李泌曰豈有恨耶卿往祭之以白朕意且卿及知倓艱難定策者泌爲挽辭二解追述倓志命挽士唱沁因進酌輜乃行觀者皆爲泣下今泌集其辭爲補之云爾

旅食

趙忠毅東方未明之硯歌爲椒園先生作

玉畫叉歌爲椒園先生作

悲落葉

荅觀魯三首

講院老樹歌

故家

呈秦丈西巖

卷二

著雍困敦

劔潭移居

早發青萍港

聖恩寺作

春申里

野望

相見曲

大隄曲

吳趨行

檢感舊集有作

咏史效左記室

怨詩



白秋海棠成詠

宮怨

將赴江寧題所居東軒

客中食蟹作

古詩

食菹

示僕

宿上天竺

甘露寺

卷三

屠維赤奮若

明督師史公享堂

觀魯示所作贈鄭舍人晴波高格洪響使人神王昔與舍人同客江陰

追敘遊歷作此卻寄時觀魯亦往江陰卽以送之

平山

邦溝夫差廟

焦山鼎歌

雨中趙州社觀牡丹

至聖夫子像明世宗時瘞今資福寺後山長沈公培土爲冢垣周之率

諸生行舍奠禮恭紀

送姚凌霄赴選兼憶舊事漫成二首

寄顧寅初

擬古

魏山長沈公家園扁豆

不平

酬許掖之兼柬薛謫人



寄弟端光

懷晚芝先生

中事晚芝先生二年至教無隱實啟蒙心以中孤貧有母尤愛憐之  
繼其不足而撫其無依藹然和風之被物也及先生歸里中窮窘益  
甚長夜展轉乃作此詩古人所以有感知已賦也

嘉樹

歲暮

除夕作

卷四

上章攝提格

黃將軍得功飲水銅瓢歌

友人鄭韓城丙子歲夢大雪身臥其中以爲不祥俄而其尊公及太夫  
人相繼沒世因爲圖以志哀而中作此詩

聞陳並困至

宮詞

別母

梅花

過龍江關

客散

宿龍江

贈黃仲則六首

吾生

聽鐘鳴

泰伯祠

雜詩

贈王生



周生刻印歌

重光單闕

山長沈公蒙

恩賜幣恭紀

三月二十一日夜和仲則

細雨

代白紵詞

傷心曲

七夕采石登太白樓題壁留示仲則

元默執徐

自君之出矣

擬古

萬松坪

去杭州留別沈莊士

采薇子墓

一笑

題友人寒山曉發圖

題秋江聽笛圖

卷五

關逢敦牂

傷楊東木

宿錢唐江上

消息

秋萍

過常州

旃蒙協洽



贈對琴先生

田家

九日江上逢儲玉琴昔與玉琴器之劍潭九日集樂善庵日暮求酒不得黯然而散今忽已十年有悲前事因作此詩

題信貞婦高柳鳴蟬畫扇

有序

貞婦於中爲表姑中四五歲嘗遊其家爲所保抱及昏於信氏數月而夫歿立子取婦未久子又殤通詩書能畫窮乃至於斯其可悲也今觀其畫扇繫以詞

柔兆涖灘

千里

呈均弼先生

柳塘

屠維大淵獻

呈均弼先生

昭陽單闕

鷲峯寺有感

呈均弼先生

秦淮雜詩

白門感舊

著雍涖灘

江上

失題

題機聲鏡影圖

中年多病久不作詩比至居憂此事遂絕某出此卷索題有傷其事聊作數章以當一哭孤子汪中記乾隆五十三年十二月

昭陽赤奮若




贈別吳白庵

題曾賓谷都轉西溪漁隱圖

金

子十九



江寧顧爾臺銘

容甫先生遺詩卷一

梅蒙作噩

靜夜

夕雨秋氣陰作清淒風入戶靜一作木落啼蛩懷苦心衰草露華冷空牀生夜寒夢  
回知漏永展轉一作就枕聽鐘鳴昏燈照孤影一作聽鐘

柔兆閏茂

過張明府

客途仍聚首會院款門時暇日宜嘗酒高流各詠一作誦詩天清秋樹近一作風定夜  
鐘遲明日身無事還來看奕棋

歸耕操

子壯大兮母病羸老不得養兮何以生子為日照昭兮我心悲

秋夜舟中作一作夜泊揚州  
自注云九月作

野岸縱橫路山樓斷續更夜寒江月墮夢醒草蟲鳴水宿疲來往愁心問死生



客途衣未授珍重倚門情

古詩蒼方立堂緣情感迫多哀怨之音

謹按蒼方字義微與入

秋瓜被露井引蔓終不實同受天地生安知我命劣驚風吹野草寒泉清露結  
飛蓬懷故根山川渺難越一身苦不保俯仰兩自失勞生理所安感君心察識  
落日下平林倦鳥投故枝如何負同類孤生多受欺黃鵠一失所萬里身安歸  
遠道末云苦卑棲常自危孤鳴時慕侶中夜有餘哀焉得君子心忠信兩不疑  
豫章初萌芽苦蒙霜雪委春風草木滋精氣悲已餒惜茲成物艱反恨生材美  
偃卷猶力爭委心固所恥日夕牛羊歸旁皇不能已

古詩

孤鳥雲際游感君慕高義千里遠託身苦言精力敝烈風吹箐林月黑夜如晦  
東西咫尺迷倏忽兩相棄稻梁豈不悅因緣恥自致委心託君宇羽毛日憔悴  
孤鴻樂中野衆鳥憎氣類衆鳥自光榮孤鴻安足忌

夜坐

倦思轉無夢未息又生心人定警微響燈昏浮半陰夜色度疏幌涼風傳密林  
散髮出高閣橫琴懷古音

白鳥

因緣幸出世水草屬前身飽食無多欲微軀易困人空檐喧夜市古壁動疑塵  
消息涼風早浮生太苦辛

疆圍大淵獻

代李泌建寧王挽辭

并序

唐建寧王俊既以讒死大歷三年加謚承天皇帝遣使迎喪彭原既  
至城門喪輜不動代宗謂李泌曰豈有恨耶卿往祭之以白朕意且  
卿及知倏艱難定策者泌爲挽辭二解追述倏志命挽士唱泌因進  
辭輜乃行觀者皆爲泣下今泌集其辭爲補之云爾

出延秋兮涉渭波塵寰冥兮日不華我馬西兮又以北薶朱輪兮血出漉天命  
在兮二京復二京復兮嘻乎吾不見父生我而死之兮又何怨萬乘安兮心所



善

靈之餒兮翔彭原望周京兮蔽以山奉君往兮獨後還悼昔軌兮過城陌候銅龍兮安可得鬱蒼蒼兮建陵柏

旅食

旅食秋江上浮生感二毛畏讒多禮數居賤習憂勞野性存麋鹿機心對桔槔百年將母計未敢託名高

趙忠毅東方未明之硯歌為椒園先生作

謹按椒園先生洪武名廷芳二和合官至古東縣署有陰世齋詩集

殘月暉暉太白睽睽雞三號更五點此時拜疏擊大奄事成策汝功不則同汝貶趙公遺硯有此銘清詞壯志使人感維時委鬼當朝立國猶有人君可格先帝貌孤託老臣臣心不轉如此石一擊不中豈天意萬死投荒屬臣職餘年幸及大奸除離石封侯那可得淹留無命待生還異代寶之空手澤我生好古思古人先生所蓄移我情開篋出硯大如水岩石右端溪坑谿回水合土性潤炎風瘴雨凝其精壯士斲山絕山脉以池作月眼作根天生異物必有用天啟

忠臣親手銘滿堂相顧毛髮動偏人英爽如平生猶餘故物在人世古澤幽姿終不散曾見苦心憂國時百四十年悲舊事中夜有皇須髮白虛堂恍惚神靈至裂眦迸血濡墨書石眼淋漓淚猶清先生有道臣節完進禮退義古所難孝思不負閒居拙正氣曾誅既死奸六經手注不知老此研應歸賢主人翻思夢裏金精下怪石兼疑列星化江城天際斗牛明夜夜寒芒正交射

玉畫叉歌為椒園先生作

先生自述本初良物詳於案牘中開卷去公從中處得之

先生少從外氏學玉叉得自初白翁拊不留手澤可鑑截肪之色形如弓下安桃竹強名杖挂畫取錢其用同當年操几遷書笈日見摩挲太心劇百年閱歷幾人存古器猶完亦足惜後生不及並世生老輩風流略可識卷簾霜下夜鐘鳴罷酒傳觀醉默默回首袁花暮草生得樹樓空夢顏色江城星月照人寒故物蒼茫見手澤吁嗟乎雙杖之銘其詞亦藤如鐵今安歸詳初白翁集渭陽送後頭如雪尚詠瓊瑰玉佩詩

悲落葉



悲落葉落葉如轉蓬朝在嘉樹上暮歸宿莽中華心向秋盡無復怨西風風吹  
漂忽安所極高高下下不可擇春至復青青青非故枝同生一朝弃終無相  
見時

答觀魯三首

謹按魯人觀魯魯莊公孫子魯人王孫其

崇蘭泣秋渚顥氣澄幽越美人折其榮光風坐怡悅繁霜一夜零仰見浮雲沒  
良辰不寓賞曠世情誰覈燕婉在一時素心徒自結歲暮不可持坐恐芳華歇  
水波潛蚪出風逆翔鴻偃恣君耳目娛神物逝已遠素心諒不欺憂至一朝踐  
衆女媿朱顏孤美詐云免謙柔得自持華色自難損日夕謝光榮思君徒晚晚  
駕言涉溱洧春女厲哀音絲竹滿清夜歡娛非我心十年泛海上寂寞託瑤琴  
豈伊和者寡大雅自茲沈棄置亦云已吾生終自任孤鳴迷衆耳感激尚懷音  
雲中有黃鵠矯首願棲尋

講院老樹歌

一本題云儀徵講院老樹歌

百年老樹何人植特立童童精舍側近根六月覆秋陰到頂千尋浮翠色老鶴

號風柯稍振黑螿避雨根先濕霜皮四裂挾龍鱗鐵幹孤撐露蛟脊高空冥合  
蒼天氣盤固深滋厚地力豈謂生成屬不材高山大澤似君稀棟梁有用終相  
待斤斧如尋更不辭堅心自一作久受冰霜積秀氣猶含霧露滋莫忘科頭踞樹下  
清風滿院讀書時

故家

一作漢羅倫如漢口

故家文史在儒服尚支持遠別新婚後孤征歲暮時風霜江路險一作永音信楚天  
遲君見梅花發還應寄所思

呈秦丈西巖

謹按秦西巖名巖三都全蜀蜀山嶺漢書有石磬山

中也毀齒不見父父友平生心所識相從夙夕上君堂風雨城南路不隔短衣  
曳地學周旋歷歷門庭記行跡春風移酒到林亭高閣燈紅露氣清負劬殷勤  
席末坐相呼猶道乳兒名永夕歡娛苦不足高歌屢舞更相屬卷簾涼月下庭  
柯絲管驚心悲夜促滿堂脈脈醉更衣我倦蒙頭就懷宿一朝失怙可憐人骨  
肉生分各自全不教富貴致身早忍使艱難累老親親交一飯動微色長揖出



門心斷絕山澤天寒草實盡冰霜歲晚葛衣裂十八年中萬死身今日生成轉  
嗚咽世事消磨氣漸平風塵苦受俗人輕一劔防身報知己十年落魄未成名  
豈有千金重然諾強將懷抱向人傾草樹沈沈宿煙霽奉手重過舊遊地一時  
賓從盡依然迴首疑逢夢中事歡游不見生我人厚地高天永相棄丈人愛才  
古所無天下之士爲楷撫故人子弟今牢落負米猶能讀父書

容甫先生遺詩卷二

著雍困敦

劔潭移居

謹按劔潭名爲光祿徵人官是廣德鎮府解州

詩集

身世飄零我自嗟十年三見汝移家蒼苔行處冰猶滑社燕歸時日未斜秋雨  
尚沾鄰院葉春風欲動過門車最憐月出琴停夜相對寒梅一樹花

早發青萍港

日出江霧明餘寒散林薄重陰曾遠川悲風靜幽壑山青雲曖曖草白霜漠漠  
宿莽下飢禽泱流聚漂籜昏曉異栖屯心物共淪樂早懷一飯恩終棄百金諾  
功名久未立義故將焉託傷哉啜菽歡生涯思負郭

聖恩寺作

沿迴積峽起道路豁平林雲木四邊合煙中清磬音孤亭望無際明湖澄半陰  
曖曖江梅出遲遲春意深亭午暄風散氤氳不可尋日暮松聲起空山聞鼓琴  
徒令遠遊客結此幽栖心



春申里

郢都徙後勢猶強封邑江東見井疆豈謂上書歸質子終思當國代辱王青山  
冰雪春流遠池有春中淵喬木歌鐘故里荒回首棘門無望禍可憐珠履滿君堂

野望

西山朝旭隱高城城下清霜百草平沙岸風迴江鳥墮松林雪霽寺樓明澤冰  
乍合魚猶上磽土方堅麥未生病後心懷自知少負薪終日逐人行

相見曲

相見復相見君心一朝變杯酒定人情身危易恩怨

大隄曲

東風吹江水分開照顏色相思人未歸日暮隄上立

吳趨行

東南入吳趨通門廣且修舟車萬方會夜行晝未休青槐夾大道白日麗朱樓  
列肆陳曼衍美女揚清謳橫波醉流轉巧笑心和柔長裾隨風舒翩翩身若浮

娛樂未云已心悲不可留策馬上西山高舉望八幽浮雲翳城闕俛見江海流  
讓國感延陵習禮思言游斯人不同代望古徒殷憂

檢感舊集有作

源出眉山見一支萬卷未停披高才凌厲稱詩日暮歲凋零學佛時官跡  
自殊老姓名曾重碑報恩尚有在身後清芬屬侍兒

詠史效左記室

呂尚西入周渭上猶盤桓百里棄其國飯牛在草間乘時各自奮功立名不刊  
脫身屠釣中一舉生民安少壯不用世垂老反任官年命苟不延後世何所觀  
高材為人棄貧賤良獨難焉知天下士一身飢且寒聖賢有不遇自古以為歎

怨詩

皎皎齊紈扇是妾手中織懷此冰雪妾得親君子側屬當歡愛時豈謂薄寒積  
一入蛟龍篋恩光自此畢願託涼風起不見君顏色

白秋海棠成詠



淚眼啼煙似有情  
翩翩粉蝶趁秋晴  
三更露下涼如水  
苔院無人月自明

宮怨

高樹明河隱殿闌  
風簾不下夜燈殘  
玉階秋草無行跡  
坐對三更白露寒

將赴江寧題所居東軒

屋裏圖書作四鄰  
庭前竹樹正三春  
老親嬌女團團坐  
身是天涯乞食人

客中食蟹作

陂水西風上釣闌  
巨螯獵獵帶霜寒  
漬餘白酒香噴甕  
和入黃柑汁滿盤  
早歲魚鹽生物少  
貧時鰕菜食鮮難  
老親病後無兼味  
掩淚尊前對晚餐

古詩

炎州榮橘樹華實  
共葳蕤秋風發奇色  
綠葉正含滋  
蹉跎白日晚霜雪迫前期  
古香徒自悅  
獨秀歲寒時  
空山人不見  
奈此佳人姿  
受命生南國  
悲君白玉墀

食菹

早秋嘗旨蓄  
數莖味猶正  
酸鹹歷四時  
終存歲寒性

示僕

同生非有屬  
因勢遂相役  
百年詎自免  
一作吾念此一作清罕  
苛貴居累人事  
早作暮未息  
天寒并艱苦  
一飽媿安食  
貴賤各有謀  
相爭盡智力  
歎彼勞心人  
無營覺爾適

宿上天竺

倦游情未極  
改轍方遵一作循麓  
涓涓石瀨澗  
長長梯逕曲  
松聲雜魚梵  
暝色歸樵牧  
空翠緣目生  
孤雲共人宿  
山月翳一作隱寒樹  
風泉靜脩竹  
旅夢戀宵鐘  
羈心向晨旭  
天清光始霽  
巖深氣猶肅  
壘嶺霧霏霏  
高一作疎林風穆穆  
往返迹未淹  
棲尋日苦促  
徒抱憂生嗟  
斯焉願投足  
一作茲途幾投足

甘露寺

一作北固甘露寺

北固巉巖勢如削  
怒搏滄江危欲落  
洪波觸山飛  
雨來山根晝夜鳴  
風雷孤亭直  
上萬木杪  
清江白日無氛埃  
中流砮訇兩山動  
翠屏金碧當空開  
飛鳶點點不到地  
側身縹緲心為摧  
長風浩浩奔扶桑  
浮天海氣青茫茫  
魚龍怪物怪那可



測陰陽百變分光芒  
霸圖龍戰安在哉  
登高遠望使人哀  
今人還踏古人地  
古  
人白骨生青苔  
蘇公米芾不可見  
後世何人知我來

容甫先生遺詩卷三

屠維赤奮若

明督師一作太傅史公亭堂

故明丞相有祠堂  
亂後衣冠此地藏  
宮府武侯猶拜表  
江淮信國自勤王  
曲城車馬通神道  
瘠土松杉接一作按戰場  
異代褒忠逢

聖主詔書史法兩輝光

觀魯示所作贈鄭舍人晴波高格洪響一作高秀維深使人神王昔與舍人同客

江陰追敘遊歷作此却寄時觀魯亦往江陰即以送之註按鄭晴波名維深明鄭觀魯之元孫也

由召試中書出任福建建寧府同知權溫州府知府遷浙江杭嘉湖道署有玉卮草堂詩集于卷夢餘集卷鳴鶴集卷詩餘二卷

我昔孟冬南渡江一作渡江江潮一作江始一作四落呈一作見崖稜一作崖舍人開篋一作在路示我詩入手

但覺雲霞蒸一作入手拂拂生氣蒸中流叩舷一作舟誦石鼓力與水勢爭  
吟噲暮投山店四

肢情山閣憑空見  
星火絕壁雲陰腳  
下生徹夜江聲枕上一作邊過月落一作出聞馬嘶

風正寒一作月冷門外風色一作氣寒霜清萬木秀  
霽景一作色明林端紆迴七一作百十里下見漕河乾



練湖草動北風起白塔朱樓照湖水黃沙撲面人卻行車輪格格官路平寒一作晴

天日落四山紫疲馬向城時一鳴江陰古寺遇人寡一作江陰作客出門寡雙柏婆娑雪沾灑一作松邪拍

山巔側身四望一作顧心茫然日光海氣伏不動時見空中生紫煙當時相樂自如一作興來著履君

此別來蹤跡東西水故人身直一作承明廬石室三年讀秘書豈是文章貴一作在敏

疾高文典冊用相如吾兄一作見今詩伯長歌動光彩鼓柁東南征所見足吁一作見詩伯

駭胸中五嶽起未平更賦高邱望遠海

平山

平山山下路寒食有炊煙歌管停春社樵蘇問一作向墓田賦詩金谷宴脩禊永和年舊日經行地風流在眼前

邦溝夫差廟

吳王舊廟蜀山陂溝水東流繞殿基春社神巫時擊鼓好風買舶一作客互揚旗侈心齊晉終亾國遺利江淮合薦祠可憶姑蘇臺上樂青山歌舞對西施

焦山鼎歌

三代法物今尚存太學石鼓焦山鼎四周一作圖刻作雲雷形光澤照人清一作青耿耿

其上有耳下有足古尺既亾不可省古文款識九十三下視孔悝非其等王曰

世惠惟女賢錫女器服由史端世惠作鼎享列一作烈祖煌煌策命載天府同時若

有吉甫誦豈異韓侯召公虎千年神物化不盡遂使元英陳大呂朱霞照水日

西落閃映丹砂色噴薄土花隱起暈青翠石壁雲嵐靜交氣清江月出光滿堂

掣電驚蛟見銘字汾陰泗水各有時寶玉大弓為盜資當年鑄此象百物神姦

恨不圖分宜焦山百里限風水深巖幽怪藏瓊奇浮雲金景望不見為君作此

寶鼎詩

雨中趙州社觀牡丹一本題應方天民作

江干飛雨暗騰騰初地花開豔不勝欲舞自一作隨隨風力轉似啼猶見眼波澄一簾香氣凝春霧五夜霞光對佛鐙惆悵東林高會日閉門心迹我如僧

至聖夫子像明世宗時瘞今資福寺後山長沈公培土為冢垣周之率



諸生行舍奠禮恭紀

一本題云聖天子禮象山長沈公封書象垣周之五稜行舍奠禮恭紀

澤宮既穆卜東徙得軒敞衰衣肅天表夏屋封吉壤大牢缺命祀有司亡簿掌  
 百年陰喬木地靈見滋長牛羊一作羊不敢踐風雨蔽塵埃師儒坐膠序秀士列州  
 黨豈念魯城北習禮時一上先生秉至教正學距羣枉來嗣臨川席猶見杏壇  
 丈出游過佛寺瞻拜心愴一作悅東脩解橐中官物惜公帑尚行夫子志馬鬣存  
 相規一作相規做築牆封四周貞石立高廟遠山靄青翠秋氣浮沆碭竹樹交城阿風一作雲  
 日共駘一作駘蕩釋奠羞牲魚昔一作旨酒薦尊盎樂備八一作六佾舞禮簡罷尸象斯文當  
 在茲庶幾精意享一作旁聖人不可作威儀感夢想法由圖畫一作制非釋一作佛老攘  
 詔書始元豐郡國盡一作畫期像遷廟禮既成夾室藏可仿魯人觀禮器墓祭自疇  
 曩檀弓言物始斯道固宜廣賢者在一作居人國舉措為世仰一事預名教竭力務  
 培養況復神所依祀典通肸鬻肅對在天靈森然動精爽忍見陵谷移嗚呼委  
 榛一作草莽中也陪執事於心勞嚮往車服展遺物金石聆幽響一作肅觀典禮盛忠  
 敬非外強作歌告後世用配兩廡饗

送姚凌霄赴選兼憶舊事漫成二首

五月燕山別

一作相送燕山別

盤桓惜累旬素心忘世味黃綬屈詩人道貌脩華美文情絮

語真

國恩存一命珍重

一作何以答斯民

行間誇結束往事喜論兵走險初驚鹿成圍未翦鯨戈船波欲震燐一作夜火雨猶

長腥逸矣朱一作珠崖郡無由一作因問賈生

寄顧寅初

一本題云贈顧寅初謹案寅初名旭復更名春生江都人國子監生

舊友何人在高懷顧阿瑛風塵容倦客尊酒見平生親有童孫樂詩兼道骨清  
 草堂江上棹應識隱居情

擬古

一本題云三五

十五盧家女深居酒市傍曲成能教弟繡罷只依孃過門聽步履隔幙想飄香  
 寧知難一見愛惜為王昌

餽山長沈公家園扁豆

一本題云以所種扁豆奉山長沈公



學圃關心十畝閒豆苗九月未凋殘西風滿架花開密白露中宵墮一作葉寒老  
母閒居會手植先生晚食一作飯好加餐秋菘春韭山家味多媿投身在玉盤  
不平

九折行山自不平蝸牛蠻觸苦相爭女蘿抱樹應騰秀木槿開花正向榮習舞  
諒須長袞好汲泉誰問在山清更憐負子桃蟲苦化作蜉蝣又一生

酬許掖之兼柬薛藹人

謹按許掖之名謙藹人名廷言並徵人附學生二詩

望屋饑驅愴客懷分金高義古人偕知君歲晚貧如洗歎我途窮衆不諧雪夜  
孤鐙安旅宿春盤生菜坐蕭齋同時薛復應難得乞米殷勤一作然爲拔釵

寄弟端光

白華秀巖

一作空

谷孝子心苦悲幸逮百年養食貧常阻饑淡辰

一作旬

被淋雨道路一作苦

人跡稀子無一金產何以自支持立身苟不媿貴賤同所歸有才不用世天意

命安可知吾生方多憂

一作命

相見未有期愛子千金軀令名無已時

一作子其勉令憂此千金軀

懷晚芝先生

中事晚芝先生二年至教無隱實啟蒙心以中孤貧有母尤愛憐之  
繼一作周其不足而撫一作慰其無依藹然和一作仁風之被物一作物也及一作幸先  
生歸里中窮窘益甚一作百端一云此下長夜一作展展轉乃作此詩古人所以有  
感知已賦也

羈貧心易悲世故多所虞大人能博愛善氣時以濡慰恤及一作達私隱始願恒見  
逾寵積不自異勢去乃日孤一本無此二句親愛已忠竭他人焉足圖窮居念恩遇始覺  
平生一作幸殊謀身爭一發造命在斯一作期須已盡生人苦反惜不肖軀江湖向南望  
思心與涕俱

嘉樹

嘉樹挺秀色深山交沍陰朔風一以至瑋瑋傳遠音豈畏歲時晚幽獨委空林  
但恐春華發無復霜雪心

歲暮

寒風翦翦歲交除深巷人來轍迹疏雪後汲泉朝祀竈鐙前藉草夜繙書名心



未盡因謀養世議方寬足遂初好是臨邛長作客得教壁立似相如

除夕作

季冬北風勁朝日下地白在賤多隱憂歲盡人事迫鑿冰持作糜朝炊不及夕  
明知禮數簡所過皆削迹端居對古人揖讓展墳籍高言王霸略衣食苦無策  
落魄媿清時困窮非所惜一本無此二句旁皇四海中一身將何適素志悲伐檀陟岵  
傷行役出處俱違心親交苦一作告不悉

容甫先生遺詩卷四

上章攝提格

黃將軍得功飲水銅瓢歌

將軍薨葬青一作方山麓宰即樹風彫碣無字雲旗犀甲飛作塵猶有銅瓢鎮初地  
因思上馬勢如鶻霹靂一呼齒一作首盡裂銅花繡水生朱殷滲入星星口中血江  
天暮雨鮫氣腥陰風颯颯翔羣靈此時篝火叢祠下神物終宵鏗有聲

友人鄭韓城丙子歲夢大雪身一本無身字臥其中以為不祥俄而其尊公及

太夫人相繼沒世因為圖以志哀而中作此一作是詩

人生事親日一往不復反如何百年身及此妖夢踐豈伊五行失咎徵應災診  
天監孝子心先事告其變故物滿眼在逝者日已遠溫清思寢門體魄痛甫寤  
年康養不逮身躋名未顯平生如昨日悲來不可遣作圖尺幅上流涕日開展  
持此終身慕用答劬勞願白雲太行道風雨梁山緬悲心同一發大人志推行  
能于媿迫促多憂日展轉天雨道少人日中過君飯寫此危苦詞為廢蓼莪卷



聞陳並困至

陳並困至

貧賤吾猶在關心舊友來浮生媿知己渴一作意苦憐才書策思同席湖山對舉  
杯三年奔走倦今得笑顏開

宮詞

曉露侵簾濕春日上階遲自調鸚鵡語花下立多時

別母

細雨春燈夜欲分白頭閒坐話艱辛出門便是天涯別明日思親夢裏人

梅花

孤館寒梅發春風款款來故園花落盡江樹一作一枝開

過龍江關

井邑千家夾岸喧浮橋列檝望關門魚鹽近市商人喜鼓吹臨江樵吏尊春水  
蛟龍浮舊窟夕陽烏雀下荒村華衣椽使鬚眉老會計雄心長子孫

客散

客散虛堂靜風簾倦不鈎松篁明月枕簟入清秋親老兼多病身孤更遠遊  
未應中宿鳥相對尚啁啾

宿龍江

孤客龍江上鄉心一夜生疎星漁舍火寒雨戍樓更野曠秋衾冷窗虛水氣明  
不眠時起舞無意聽雞鳴

贈黃仲則六首

謹按黃仲則有蘇武妻附學妻身有淑野詩集

自余習曼翰高謝同時流次卿既天折謂魏哲兄悲遠遊謂夔長歎宇宙間萬物同

悠悠常恐朝露期斯人不可求落拓吾何慚餘生見英物必言溫雪交作合

郢人質歡娛未云晚相期在華髮鬱鬱上崇臺俯見平野闊白日動江光浮雲

向空沒長揖對青山懷古涕如雪早孤感同病心期樂疏曠各懷萬里心高

視重雲上長途未及展白雲聊孤倡相對一賞音信宿已興訪已矣吾生窮飛

騰竟何望鹿馬無定形白黑隨轉移況此磊落人心迹難自持高才世不容

孤立尚相疑眾中獨見親謠詠固其宜素心苟不媿人言亦何為傷茲不肖身



波累並朋知勞生無百年多難使人悲 飛雨江上來春鳩鳴我軒開樽列華  
燭四座多歡言蹉跎異鄉樂各道平生親賓客徒滿堂不見所思人披衣臨前  
除夜坐常及晨高歌對尊酒誰知傷我神 黃金不可鑄榮名非吾寶傾心託  
友生邂逅願終好一室尚離羣江湖況遠道分手知前期後會感難保及此同時  
居相見常苦少悔子求友心沈憂爲爾老

吾生

吾生應有命身世兩相違客路中江遠鄉心北雁稀聽歌翻灑淚入夢甦如歸  
爲憶臨行日心傷篋裏衣

心計長如夜思親枕未安寄居時見迫衰序早知寒女手謀生拙貧交仰食難  
尚憐游子意書到屢相寬

孤露惟依母漂零正苦貧勞生筋力盡暮景笑嗙真親戚皆他縣扶持只一身  
白頭空有子終歲走一作傍風塵

聽鐘鳴

聽鐘鳴鐘鳴何時息風定忽一停漏盡如更急青鐙熒熒羅幔卷秋衾臥病夜  
一作展轉憂生來日促思親故鄉遠不寐聽鐘鳴鐘鳴淒復清聲聲數已盡秋天  
猶未明

泰伯祠

賢親讓天下開國治周禮墨胎悲伯夷朝鮮尊箕子勾吳已亾國至德終不餒  
雜詩

羣居共晨夕志好同衣衾豈知歡愛日終非可恃心長路無停軌江河阻且深  
宿昔遠遊志一作盛昔 裴回空至今

孤鳳息池潢翠羽含風弱中達荆枳生露下桐華落長閔丹山采偃仰爭餘啄  
本無千仞翔不敢怨鳴雀

零露漸野草湛湛朝欲晞日出城隅路清風吹我衣窈窕秦川女厭浥獨行時  
朱顏發光澤灼灼映晨暉徒懷抱柱信相逢終自疑不惜千金珮何由一作通我  
辭寸心一不諒枉負桑中期



鶴脛不可斷，鳧脛不可續。物性有自然，何為苦羈束。雲泉自高下，魚鳥相逐。本無百年命，安危同所欲。棲遊非一途，微生各自足。初日照高樓，飛軒交綺疏。佳人挾鳴瑟，當戶歛華裾。坐惜傾城貌，十年常獨居。悲風激幽響，行路立踟躕。不為感人耳，清歌聊自娛。

贈王生

與君同作他鄉客，咫尺天涯歸不得。江南二月天氣和，節物感人悲旅食。城東古寺行人稀，雜樹蒙茸碧草齊。長鏡共刷春泥裂，日暮僧房煮筍時。

周生刻印歌

周生秀而臞，刻印通小學。印文落紙不可捫，觸手軒然起棱角。丹砂萬杵如月明，照見鈎心苦鏤琢。國初程穆倩，近人丁敬身。周生晚出老更成，文彭以後凡三人。嚴冬江風寒，杖策叩我門。出此八寸冊，一一古意存。森然清廟列，庸器牛鼎山。尊寫銘識扶風石，鼓嶧山文脫手淋漓見。生氣漆書出土字，斑斑魯削餘痕尚。廉利吁嗟古文

日淪喪，謂是秦斯丈人行。豈知卓犖眼中人，猶自同堂相揖讓。周生作畫兼有神興，來落筆能逼真。壯心空耗千年以上，垂首風塵常苦貧。乃知奇技難為用，應

作東西南北人。

謹按先君自註云：此詩作於庚寅冬，自後亦猶蒙刻之學始覺其意過也。不知為知用語否。想云。

重光單闕

山長沈公蒙

恩賜幣恭紀

內官宣命早上幣，出彤闈猶見封題。濕筆看拜舞，歸七襄。天女製一品老臣衣。圖入香山會，光榮有

賜緋

三月二十一日夜和仲則

叢薄風生窗浙浙，夜火欲盡作青色。病客獨坐毛髮立，鬼適何來太相逼。颯然雨落林鳥嘯，空堂曳革行來遲。一作履聲曳地，來何遲。終夜作索心，然疑天明向壁塊。然臥與汝相守能幾時。



細雨一本題

細雨打蓬雨轉急依沙繫纜江氣腥沙崩險絕不可上脚底水石喧一作相爭  
天昏地曠絕一作罕聞見孤客失路還一作愁屏營寒叢出火就一作投宿入門老廢兼孤  
嬰一作迴然四顧但一室蹤跡人鬼疑一作難憑菜羹麥飯各冰冷飢腸內熱凝蠅  
鳴鼓斜一作竹柵臥踏地江風燐火吹熒熒水蟲毒蠱一作甚共高枕草頭雨落珠璣  
明人生到此百慮息一作絕雖無噩夢魂屢一作常驚天明出屋始得路沙禽蒲柳相  
逢迎開帆打鼓一長歡一作春青山空翠隨人行晴天曠野一作望更清絕朱霞明滅朝  
煙生百年憂樂會如許一作此寸中心何坎一作坎何由平

代白紵詞

開帷纖纖行且卻輕軀一作腰細步風前弱玉挽凝香素綃薄蒲桃金危為君酌朱  
顏暈酒目生光橫波送笑流滿堂善知人意樂無方金環散珮明月瑄曼歌掩  
袂迴人腸百年今日安可忘

長槐青青桂華碧清江月出歌管急四座沈吟意懸脈紅燭參差倚寶瑟迴哀

風生動蕪澤芙蓉露落沾人衣勸君深杯君勿辭五更漏促城烏曉明日相思  
君不知

傷心曲

陰陰虛室光落落疎鐘節望逐浮雲遠嘯共寒鶯咽入夢尚餘歡分手未疑訣  
欲知枕上心熒熒淚如血

七夕采石登太白樓題壁一本無題壁三字留示仲則

李白乘舟弄月地秋江見底石粼粼青天明月不改色今日登樓無此人百年  
相樂一作見得幾日咫尺東西各氣一作心結一作情君見題詩問故人飄若浮雲已先發

元默執徐

自君之出矣

自君之出矣不復理元髮思君如轆轤轉轉何時歇

擬古

夾轂相逢狹路閒禪衣水佩見姍姍月明莫唱明妃曲絕塞歸來尚玉顏



萬松坪

平臺列松磴萬木臨迴溪蒼蒼白雲合俯見羣峯齊遠陰薄日午風露轉淒迷  
一作氣交土石潤冬景秀柔萸何時布莞弱杖策坐丹梯

去杭州留別沈莊士

謹按先生號夢之子莊士

江國登樓已浹辰江山回首重傷神殘年乞食知何處異地無交尚累人夢裏  
衰容空憶母病餘短策獨隨身相思若問生還日春水南歸有雁賓

采薇子墓

長歎軒轅臺清風天地肅悠悠土室心餘生託柔軟幽局百年闕秀氣幽冰玉  
何人采逸詩風期緬孤竹

一笑

一笑謀生拙夷途聚一作起百憂命應逢穀弩心不怒虛舟落魄一作拓多清議狂名  
有下流由來伐檀者一作志非是一作獨為恩讎

題友人寒山曉發圖

苦霧初披萬木丹嚴霜欲下四山寒天清野曠無人識輸與征夫徹曉看

題秋江聽笛圖

露氣蒼涼水氣清亂蘆顛倒一舟橫枯風裂竹秋江上更有何人聽此聲



容甫先生遺詩卷五

闕逢敦牂

傷楊東木

馬上相逢記望塵十年心事合離因貧曾寄食兼扶病老尚求官遽歿身子姓  
同時家欲盡圖書四散蹟猶新從今俠氣憑誰語江畔孤蹤獨一作愴神

宿錢唐江上

羅刹江頭桃李一作柳春東風吹一作飄雨黯消魂一作傷素車白馬休相問我亦蘆中喚渡

人

消息

消息傳江上風沙滿目昏猶聞一路哭已解萬人屯財賦通吳會帆檣下海門  
尚思衣食樂生養

累朝恩

秋萍



寒流如鏡碧煙和貼貼青萍出澗阿影動疏星秋欲曙風迴落水生波潯魚  
墜散衝無數古岸潮平聚更多自是浮生易漂泊不因霜露怨蹉跎

過常州

百里延陵問一作水程西風如舞一舟輕亦知休息終無日尚有昂藏媿此生雪  
夜夢回驚犬吠荒天人定畏鴟鳴恰當晚歲飄零日好助淒涼倦客情

旃蒙協洽

贈對琴先生

謹按入對琴先生名棟歙縣會利部員外郎

燕市黃金舊有臺誰令白首困蒿萊故家文物歸春夢浮世交情問死灰老去  
一身常健飯貧餘二子各成材近聞學易通消息時命悠悠未可哀

田家

門前眾峯秀屋後流泉鳴山田晚穫美鳥雀多歡聲兒女滿場圃愛此冬日晴  
朝春留過客因識主人情

九日江上逢

一作儲玉琴昔與玉琴器之劍潭九日集樂善庵日暮求酒

不得黯然而散今忽已十年有悲前事因作此詩

謹按儲玉琴名圖書與八頁生者

城東雙樹記婆娑城上一作西風動女蘿落葉無端悲壯士窮途相聚祇狂歌驚  
心歲月中年速過眼雲煙舊恨多今日樽前重握手扁舟江上奈愁何

題信貞婦高柳鳴蟬畫扇

有序

貞婦於中為表姑中四五歲嘗遊其家為所保抱及昏於信氏數月  
而夫沒立子取婦未久子又殤通詩書能畫窮乃至於斯其可悲也  
今觀其畫扇繫以詞曰

承露無揚風有聲解化稱此懷清

柔兆涒灘

千里

千里關河七尺身長年逐一作食一作客傍風塵眼前冠蓋誰容我老去飢寒尚累親  
智慧不來空拊髀雲山如夢祇一作易淒神平生皎日心猶昨每到窮途媿故人

呈均弼先生

謹按均弼先生姓馮名諱廷棻州人官至江西按察使



沈絲風誼苦難忘流水行蹤過隙光海外經年勞悵望前水日訴淒涼可能  
廉吏逢優孟每爲傷人念孝章底事一身須愛惜生涯有盡  
國恩長

柳塘

柳塘春樹漸如絲水際煙生日暝時最是長條吹不定畫廊紅裊度來遲  
屠維大淵獻

呈均弼先生

屈指三年別驚心兩鬢絲風波經海慣雨露及春滋舉室仍蓬梗勞生比奕棋  
此身期報

國應不歎官卑

昭陽單閣

鷺峯寺有感

本題鷺峯寺創稱於海濱吳次卿讀史書其隄今重過其地則君其爲夏陽漫作詩誌余悲  
煙水淒迷顧一作欲問津數行高柳傍城闌重來濠上同遊地幾輩尊前健在身屈

指年華猶昨日驚心言笑已前塵吾衰每覺浮生促歲歲還爲感逝人

呈均弼先生

江東久唱大馮君飲水清名達

至尊六載寓公今守土先生自戊戌南來寄幣於首  
城今分巡江寧卽官其地兩番

申命總

殊恩庚子津捐復道及補令官  
賞奉特旨不與奏請身離宿疾仍加健子列賢書更抱孫惟有舊時珠履客不知

何處覓侯門

秦淮雜詩

明月東西十度圓車如流水到門前青山黃土人多少鐙火笙歌似去年  
憶梅何日下西州一曲清淮五月秋水閣畫簾人獨坐烏篷閱盡淚雙流

白門感舊

秋來無處不銷魂篋裏春衫半有痕到眼雲山隨處好傷心耆舊幾人存扁舟  
夜雨時聞笛落葉西風獨掩門十載江湖生白髮華年如水不堪論



著雍涪灘

江上

江上愁心送客時，秋風嫋嫋動相思。武昌無限新栽柳，偏向章臺折一枝。依然被底有餘溫，尚恐輕寒易中人。最是夢迴呼不應，昏燈落月共樓神。花開金谷幾經春，一曲清歌委路塵。到底綠珠同日死，季倫才是有情人。

失題

一本題爲別，謹案此詩乾隆辛卯年遊武昌書，沈括擊府同時作客者，其詩與此詩同，其詩是別存。

西風官閣別平津，醉酒懷恩一愴神。舉世孤寒皆託命，如公愛養更無人。山林縱未成長往，溝壑應能脫此身。反恨南遊爲日晚，當年負米最傷貧。江干寄食自悽清，舊雨新交各有情。虛館畫長同隱几，華筵日晚罷吹笙。衰年可戀惟鄉土，好事難忘是友生。此後萍蹤何處合，夢遊常到武昌城。

題機聲鐙影圖

中年多病久不作詩，比至居憂此事遂絕。某出此卷索題，有傷其事，聊作數章以當一哭。孤子汪中記。乾隆五十三年十二月。

偏露遭天罰，飢寒仰母慈。自經風木痛，長廢蓺莪詩。

嚴漏知冬盡，殘春迫歲荒。米鹽來日計，鐙下幾迴腸。

織成看滿幅，誦久聽終篇。未覺寒宵永，悠悠十五年。

夜長資火力，天曉惜膏殘。比似吾親苦，煎熬漸欲乾。

裁到勝衣日，長爲負米游。已知貧賤累，仍作別離愁。

日短何由愛雲飛，且自望百年將母計。氣盡是空囊。

寡鵠應悲早銜魚，忽就枯可憐。八九子不及城上烏。

衣敝猶餘綫，藥寒尚有膏。盡人由顧復，生我最劬勞。

空堂人獨坐，微雨夜三更。靜想童年事，淒涼似隔生。

幾經白雲渡，渡口水潺潺。親年與流水，一往俱不還。

須眉今老大，兒女自團圓。惆悵前宵夢，依然却下歡。

此情君不忘，在昔我曾經。歷歷傷心事，披圖老淚零。

昭陽赤奮若



贈別吳白庵

一本題三送吳白庵歸江 謹按吳白庵名照西昌人貢嘉州舉人

尊酒河干客思沈風霜晚歲惜分襟每談泛梗嗟同命偶撥孤筇遇寶音薄祿已虛將母志勞生長負課耕心相期各有名山在極目南天起暮陰

題曾賓谷都轉西溪漁隱圖

謹按曾賓谷名慶南昌官貴州巡撫曾賓谷

為愛神仙宅明湖一曲西水雲行處合春樹望中齊魚鳥情雖狎煙霞路轉迷玉堂明月夜長夢武林溪

未遂歸田計應無泛宅

一作下釣

時簡書銷壯歲魚釣

一作艇

負前期良會陳宮閣遐心託

畫師尚餘裴迪在追和輞川詩

容甫先生遺詩

補遺

荅叔母梁夫人

吾宗有母梁夫人早年守義矢天只朱門羅縠化為塵閉戶長飢樂文史日操井臼夜誦詩彤管高文見根柢二南宵雅無凡音哀述先人勗其子子今為儒著儒衫律身刻苦無一作吾所慚授書歲得十金入對人氣象何巉巖夫人有子能養志餓死事小求人大弟兄尚昔一作苦黃金多五反何曾受一介高風豈獨魯仲連天有魯仲連命擊半間堂壁詩百世之師伯夷隘中也通家餽百錢淡旬封卻尚依然作詩活灑及吾母曲盡人間骨肉恩吾母寡居窮更劇一門風義故相匹疊更家禍多死心得免凶年少人色老來力盡疾疚生五十衰容髮已白人生富貴無百年苦節高名天所惜兩家孤子各成人反使飢寒及身迫嗚呼古之烈女一節構才賢豈似夫人得百全石渠尚有劉中壘應入儒林卓行編

當塗行

黃守甫貴



去年江水漲田舍盡漂沒民生各相棄城市半空閉食草不留根掘山類成穴  
露宿迫窮冬北風凍膚裂嚴寒一作搏飢火冰炭內潛結盛暑萬竅開霧濕上蒸  
熱淫雨包積陰驕陽固不泄是時冷氣作摩空互一作傾軋或香如爨飯或腥如  
喋血所入至微密所觸卽危隄壘壘行國中鬼儻存歿一作平生金玉身一病  
等蠓蟻自非違天災生命未應絕始知泉下人百年多枉折展轉逮深秋餘厲  
猶未歇野哭反無聲不死亦殘荼哀哉此土民際茲厄運烈世世遷生成一旦  
忽灰滅焉知造物心反正有肅殺高歌續天問歎息達明發

賞塗送客

本題云送胡州歸省詩稿指送人縣學士

江潮沒青草沙明聚如雪客路送歸人分手惜將別高才用沈默戲譁謝羣悅  
傷哉負米心愛爾白華絮今夕臨高軒相思只情結

十二月十九日曾賓谷都轉招集三賢祠致祀坡公同作

使君手寫玉局像官閣高張神采王生日如逢景祐年酒脯香花列供養傳觀  
長句疑有神爭道陽阿得高唱一時賓御富文采各騁清詞運心匠是時入臘

風日晴長筵列坐開重屏百罰溪杯不知夜簾梢月出光瓏玲因思七百年前  
當此夕月宿牽牛河漢直紗縠行中一墮地萬古裁眉不改色斯文浩氣長留  
天地間人世何曾異今昔使君生出蘇門後風義平生託師友畫贈生朝劉景  
文詩成佐飲晁無咎昔到平山憶醉翁卽今詩老播清風他年此會傳佳話更  
與黃樓赤壁同

擬古

苔階雪後踐春泥八尺湘簾著地齊白帽一作衫人乍見尊前獨立鎖一作修眉

題畫爲友人作

一作爲畫書作

熏爐香盡燭成灰薄薄春衫半臂開獨坐沈吟憑綠綺青牛帳底夢初迴  
舊恨陽臺已斷腸舞衣歌版對空牀小蠻去後朝雲老春雨青燈夜正長

題綠窗吟草

上書欲比倉公女歸國翻憐董祀妻惟有東風知此意吹秋直到夜郎西



容甫先生詩選題詞

員燉

汪君容甫名中江都人少孤事母至孝篤志力學研求實濟不徒作經生占畢技家貧奔走四方以筆札供菽水間爲詩不自成藁與余有世誼之誼常相過從上下古今深宵不倦或以子爲長途老馬也此數詩皆予所手輯者容甫雖不以詩鳴亦可藉以覘其流露耳

淮海英靈集小傳

阮元

汪中字容夫江都人乾隆丁酉拔貢生多聞強識舉所誦書若流水雄於文鎔鑄漢唐成一家言詩學盛唐參以金元好金石嘗得漢石闕畫象以五十千從寶應昇歸尤精史學自言深於春秋生平多諧謔凌轢時輩人以故短之然於嘉定錢詹事大昕金壇段大令玉裁高郵王給諫念孫歛程大令瑤田未嘗不極口推崇嘗爲顧炎武胡渭梅文鼎閻若璩惠棟戴震作六君子頌足見其謙



己樂善也

容甫先生遺詩跋

黃承吉

容甫先生長予幾三十載予弱冠知學逮與相接未幾而容甫沒以故不獲與深交然觀其所著既有以知其學而詩最後見曩者從二三處錯見之嘆其所學之正溯源晉宋託體開天決擇既高風骨自異今孟慈搜其遺作所存雖不多而才力自見故予鄉者有見虎一丈之咏爾

樂鈞

先生顯治經世之業博通經史詩其餘技早歲貧困負米養親至性至情具見於詩觀其所作規撫漢晉取法唐人不爲博溺不以才騁並世詩人罕與接席望洋而嘆心靡所屆仰止之思於是乎寄

朱學正武曹先生與喜孫書

朱彬

尊大人不欲以詩名然清韻出塵迥非時流所及不可不付剞劂

錢劔生舍人與喜孫書

錢協和

承示先輩前數篇少作似宜酌伏讀遺詩淵懿簡古自可傳且篇帙無多不宜過爲別擇令讀者寂寥寡懽也且吾丈珍護楹書顯揚無已欲其追配古人耶抑欲其衣被海內耶若云追配古人卽此一集固足方駕漢唐若云衣被海內則是丹非素鄉曲所同必如梅邨樊榭子才船山始能不脛而走戶誦家弦里儒有節錄之編坊費有翻刻之本勦襲稗販莫可究詰至如吳野人張篤慶陳古銘梓李鐵君鄭耕餘世元詩非不高詢之騷壇有不能舉其姓名者而數公之詩自在也

張亨甫明經與喜孫書

張際亮

尊甫先生大著已循誦一次其風骨在伸則甘亭之上園次蛟門龍窟諸公不



及遠甚自來經術古文詞佳者往往掩其詩名如尊甫先生亦其一也海內言詩者多矣能深知其意者蓋寡吾爲此言要當於百年後論定信其不諛耳  
莊卿珊與喜孫書

莊綬甲

前承尊屬至小友小仲家檢覓尊公遺詩久未報命負疚滋深今於夏間旋里偕友人徧檢小仲遺篋於汗出如漿之際忽驚得數紙狂喜交集如獲至寶其間有五紙爲五言古詩六章首尾完善外尚有數紙撫之字跡宛然或有首缺尾或有尾缺首未知夾在何處据其家告云尚有書篋三四寄一二友人其人客外俟其歸可取回再檢當在故紙堆也今將完具者五紙先奉上以慰孝思餘片暫留綬甲處俟配全再當覘良便寄上自當細心尋檢不負尊屬也

顧南雅

跋汪容甫先生詩集

余交汪子孟慈喜其議論慷慨有真氣一日出其尊甫容甫先生詩彙見示讀既卒歎曰孟慈之真氣蓋有受也昔明七子作而僞詩起矯其弊者主性靈是已然往往流蕩恣返而入於邪僻棄君子而取真小人可乎余嘗有句云譬諸桀紂性猶愈五伯假蓋深惡之也先生詩於五倫間勤勤懇懇而格律一軌於正其性情流露即可想見其爲人孟慈能守其學固宜其與世俗異也豈獨詩爲然哉



兩當軒詩

黃仲則

金陵待稚存不至適容甫招飲

去年人來白下時  
清秋襪被相追隨  
青溪溪頭一輪月  
照爾日日添新詩  
偶然持論有齟齬  
事後回首皆相思  
今年秋比去年早  
今年月比去年好  
我來待君君不來  
問水尋山都草草  
幸有汪子相過從  
慰我離家傾深鍾  
尊前話舊半悲樂  
痛飲不覺酣  
西風聊將生別新  
知意吟入六朝煙  
寺中

將至蕪湖憶文子容甫

向曉離亭舉客杯  
青山一路送人來  
際天無樹知江近  
極浦有帆和雨開  
弔古空灘餘戰艦  
悲秋斜日上層臺  
故人回首重城外  
爲報離腸已九回

以所攜劔贈容甫

匣中魚鱗淬秋水  
十年仗之走江海  
塵封繡澀一  
道練光飛不起  
相逢市上同悲吟  
今將拂衣歸故林  
知君憐我贈此一片荆軻心



送容甫歸里

經年梗泛判遊蹤一笑驚從意外逢甫見投詩辭柳惺反因墮甌識林宗棲依  
共作梁間燕磔矧孤生澗底松畢竟因人非了事誰將雲海漫君胸

羨君樂事故園新問字談經大有人此日衆中推折角他年殿上待重茵癡  
字少憐予陋勸學言溫鑑爾真自忖不材終放棄江潭瓠落客吟身

聚本無端別可驚寄書寄劍是生平

念初嘗寄書  
亦以書余名

脫囊生贈吳三尺完璧全歸趙

五城酒盡雲山俱黯黯夜深心燭共明明前途鷗鳥如相訊爲道忘機是舊盟

贈程厚孫時爲厚孫作書與汪容甫定交

繫余抱黯陋研弄鮮精業橫陳撫遺經詰屈口先嚼問解嗤俗儒論何哮呬  
識字得未曾異同先撫扱顏強師承抱膝未見軫細或吹牛毛紆或旋螺甲  
虛或逃亾荒挺或走偏狹亦藉坐泥蟠鏗響誰與攜何如返崇山沈冥守雲匣  
何如老秦壁甃贅任積壓雖然千百年名義固非乏緬維兩漢英紛綸工羽翼  
名象微言該訓詁精理洽下際閩洛彥闡聖在心法亦坐門戶煩孽庶相攻劫

所貴觀其通不廢如裘袷亦如導支流納浸須啟牖亦如冶洪鑪金沙融一雲  
誰爲同心言痒處與搔搔邇來遵程子高談快傾峽爲儒有家世此任在肩胛  
傑視卓不羣雄步坦無踰規所下帷處望氣已爲憎百城富擁桓萬軸架盈鄴  
時出金石獻聲發不能飲遐哉作述心曠世若呼歆告我獨學難業成資輔夾  
奈何威鳳資友我等鳧鴨我識江都汪投分差可恰匪特經無雙羣言共貫插  
平時氣炎炎可望難可狎論文忽幽渺境擬月寒峽遂與俗殊尚狂名紛喋喋  
知君求友殷招來爲飛劄文陳各挽強敵勅兩無怯我爲壁上觀目定不及眨  
名山讓公等吾行荷鋤鍤

春日容甫

昔我之出矣春山噪寒禽東風一飄蕩春色竊以深今朝眺原野煙景何沈沈  
繁葩曜初旭密樹參高岑絢爛亦云極但覺意蕭森遵渚緬故逕攀條思舊林  
詎惜歲華促難爲遊子心

春莫呈容甫



先生吟太苦終日閉荆關我亦詩窮者邀君數往還對牀聽夜雨分枕夢青山  
一任春江上流紅萬點殷

和容甫

三五讀書策結懷嵇阮儔生身苦非時不得同遨遊橫几覽禹貢靈產鬱九州  
邂逅豈不識索處誰相謀驅車涉伊洛仗劍干王侯紛華敢馳慕邱垤不滿眸  
風禽媿短翮出谷徒啁啾乃知天下士定在風塵收銜吁返征駕矯望立路周  
長此求友心六合何悠悠

大雅久淪沒巍然見時英作述千載上死灰起精茫氣吐相感激長揖如生平  
誰令黃鐘節掩以瓦釜鳴相樂反相泣出涕何縱橫十千置斗酒不惜爲君傾  
高筵列華燭美女調繁箏揮手不能顧悅耳非新聲藉無師涓奏何以移我情  
雲中見祥鳳百鳥無文章炎洲產嘉桂百草爲不香修辭富華實秉操逾圭璋  
翻使一國中撫掌嗤其狂悲心入秋夜苑邑思飛揚終朝逐塵鞅踉蹌趨路旁  
衆中獨我親亦知我心傷兩小皆失怙哀樂頗相當貧賤易相感況復齊孤芳

盛時忽晦冉逝矣摧肝腸

偕容甫登絳雪亭

汪生汪生適何來頭蓬氣結顏如灰囊無一錢買君醉聊復與爾登高臺驚人  
鷹隼颺空去俯見長雲闔且開江流匹練界遙碧風勁煙萋莽寒色危亭倒瞰  
勢逾迴平墟指空望疑直憑高眺遠吾兩人心孤興極牢憂并自來登臨感遊  
目況有磊砢難爲平麟麇雉鳳世莫別蕭蒿蕙菅誰能名顛狂罵座日佗條疇  
識名山屬吾輩著書充棟腹常饑他年溝壑誰相貸一時歌哭天夢夢咫尺真  
愁鬼神會汪生已矣不復言眼前有景休懷煎願從化作橫江鶴來往天門采  
石閒

讀容甫近詩過以哀怨爲體詩以廣之

汪子叩門手吟卷示我邇來之所作脫口已覺馨滿面環誦彌令悲動魄等閒  
關山與風露秋士當之倍淒楚輕雲裊裊落靈光白月輝輝鑒心苦牀頭嗚咽  
寒蛩鳴



七夕懷容甫游采石

疎梧槭槭漏遲遲人去庭空獨立時  
羨爾萬峯高處望半輪涼月下蛾眉  
翹首千秋作賦才青山迢遞水滌洄  
夜深倘有橫江鶴好訊山東李白來

月下登李白樓和容甫壁間見懷韻

白也高樓上切雲巉礧業業水鄰鄰  
先生去後爲長句海內於今有故人  
我亦能來醉江月君從何處倚秋雲  
臨流無限瑤華憶咫尺風波未可陳

吞松閣集

鄭誠齋

贈汪容甫

直鈞不鈞魚方軌不炙轂卽物具通識  
遇合以我卜往蹇悔乃遲慎始保初服  
因不失其親乖或承大僂獨憐可宗者  
如玉嗟碌碌所以獨行士果哉委溝瀆  
溝瀆良亦宜親老缺饘粥禮食權重輕  
回面聊自嚮呼則應馬牛與不恥疇躑  
準古奉檄歡斯意可歌哭自從秦漢來  
阡陌開井牧士鮮祿代耕求飽難半菽  
況士賤且多夜光混魚目習輕厭衆鷺  
奚辨鵠與鷺只尺蔽奇士泥塗困匍匐  
文也少孤貧此味嘗最熟君况嗟我同  
感我額頻感恭聞下

明詔遺書採幽谷經術首所崇激勸醒  
迷復君子應時須學也中有祿不干亦  
不矯吾道惟自淑方今歲將周梅蕊已  
簇簇春江待君歸天上舟行速



二亭詩鈔

朱市人

贈汪容甫

汪生七齡失所怙交親一旦棄如土任氏遺孤衣葛衣謝朓書堂掩蓬戶賢哉  
生母備艱辛十指紡績易米薪夜深教生讀經史生年二十歌采芹上堂拜母  
母色喜文名藉藉驚鄉人生才有如此生豈常賤貧人情冷暖不足道白衣蒼  
狗驅浮雲冰霜自是生成德利器原從盤錯識由來人定可勝天柳母九能歐  
晝荻秋風鷹隼好騰騫立身廊廟師昔賢好將母氏劬勞狀臚入蘭臺列女篇



賈稻孫詩集

丁酉春日病中畱江都汪容甫暨李孝臣王石臞草堂聚飲翼日容甫  
北行爲詩以別兼柬孝臣石臞

苔荒草蔓半畝宮不知戶外春已濃支離一疾肝肺攻要脚駑緩成疲癘錐子  
穎脫心絲空繩牀莫療蒙頭慵汪子何來省龍鍾李王聯袂其音楚彌天鑿齒  
勁敵逢三君雁行于且喁坐我琴書之房櫳家貧亦有鮫鮓供相與作達燈燭  
紅耳官失職悲不聰高談但聞聲瀟瀟心許不假言辭通良覲累日寬塵習已  
疾捷若盧扁功惜哉驪駒逝愈恩我欽汪子靈光崇五三八九經術鴻文鏡金  
石垂厚宮阿誰相厄能兩雄邗江帶水疎吟筇何時下上偕雲龍仗君慧業開  
愚意可憐蹤跡如飄蓬石臞又放湖千篷將之石梁剩我瑟縮吟悲翁知己失散真  
路窮出門惘惘迷西東爾夔我玆相憐同望君重來鼓絲桐



鄂渚小藁

劉又徐

送汪容甫之淮陰

煙開江上山日照湖邊樹  
樓本發華滋蘊花泣涼露  
秋籟空外鳴幽香暗中度  
激揚引青謳盪滌驅俗慮  
良辰疇勿懷遊子不得顧  
季鷹念將歸伯鸞忽又去  
草草儲宿糧恩恩治裝具  
今日廣陵濤明日孟城路

朝發辭謝埭夕駕指秦郵  
潏潏萬波湧渺渺孤城浮  
漁網葦上來估帆煙際收  
牛衣挂疎木鴈戶沿寒流  
何必巢衛幕始用懷杞憂  
君挾賈讓策能令支祁愁  
桃花絕春漲瓠子歸北流  
庶知東閣下乃有濟川舟

君寧重一鄉落落天下士  
但願毋羣物自然銷衆忌  
寧缺茅容雞弗食蘇李位  
饑驅入淮陰所主得馮異  
禮讓崇榮名經術結深契  
高館遂聲流霜空木葉墜  
何處弔韓侯蕭然食同寄

飲汪容甫宅



秋雨破空煙因風蕩爲水細草沿堦生微波當戶起遠歸長蕭颯獨坐傷飢  
淒然念故人宛若隔中止投械頃見招我友率在彼徑欲往從之不覺折屐齒  
衝泥就東城主人門外俟逕踏秋蘚黃風墮蕉花紫虛室結暝陰飛溜灑窗紙  
賈董富述作盈筭復疊几禮堂既溯源孔壁亦撫美八索逮麟經六書竟馬尾  
遐搜祖龍碑近存皇象體聚米窮亥章執杓攷庚啟寸莛不厭撞善芳自無昧  
縱論罔弗諧箝口固足喜角巾影移屏華燈煙結苾壺傾蠡危胆案列櫬棧七  
盈盎湘海蛤堆杆膾河鯉菌首旋斫芝芟根新脫篋盃鷺旣充腸好言時入耳  
奔獲飽歡娛彌用傷別化今日歸廣陵去年客京邸出門眎輪蹄入室讎書史  
獸有蛭蝟蝦杞有樞柳梓必不知輪轡鎮不知秬秠纔過下馬陵儻遇渡河豕  
稍自矜蛟睫邾免擲路鬼一室肆冥搜三更不遑已月墮林影沈雨滴蛩聲死  
昔雨何淒淒今雨何唏唏悲喜豈異心聚散不同軌或歸自苾山或返自燕市  
休甫欣與同林宗竟虛鞍同城不共歡况復隔千里雲與泰山顛雨落潼河涘  
安得齊挂席惠然聚於此君請盡一觴我請歌變徵歡情自此深離恨從茲始

書城詩鈔

韋酉山

同汪容甫訪朱山人二亭對酒述懷

甫也才地最孤潔江水見底秋月高清言之祖建安骨揮斥三唐呵六朝元瑜  
善病陳思貶過此略推劉孝標常謂周衰文統絕騷史以外粕與糟出君便腹  
爲大治石才棟書投煎熬鎔之百過煙火盡一滴著地皆成膏不比酸冷爭派  
別教人尋味持空螯天寒野陰懷抱惡城南會合訪孟郊多竹款門笑開口且  
斟濁酒飢腸澆

哭汪大容甫四首

肯畀全才天意殫孤貧都道假年難儘窮目力借書讀作客歸來無缺彈謀養  
何須蠹倉米埋名生怕蝨朝官更除可語西山石但有生平一謝安  
文詞洗伐絕紛拏冷最清腴澹最華佳處焦山有脩竹春深沅水望桃花吟情  
苦欲愁肝腎至味酸留在齒牙五夜鐘鳴身一葉蘭亭真本落誰家

君以拔貢受知  
謝金園得邸



萬卷沈酣風抱優著書鑿齒論長頭憂深赤岸紆籌策

卻佐州慣嚼屠門汚浪跡誰眠酒肆嗣風流故人莫問練和素吟到藤蕪白念

休

記從委巷訪西城無限秋風落日情以古鞭心孟東野如煙埋歎李臺卿言羅  
根角難迴命字食神仙不養生容易泉流赴江海魏君終始在山清

平番旅次晤寶應王秀才書深邦慶話家山近事甚詳於其歸牽率得

詩十八首以送別錄三

雅材官閣闕尖义汪藻臨安聞夢華拋得紅塵幾枝骨除教湖水葬江花

單親手種遺貧棲密莢秋長壓架低我老飄蓬君宿草豆花開過草堂西

扁豆詩西風滿架開在密莢中肯隨葉  
寒者請開屠門植先生晚食好加餐

吟翠軒詩藁

楊蓉裳

喜汪大容甫過訪長句贈之

汪生傲儻出世姿短衣孤劍將安之江湖流浪苦復苦人說才奇窮更奇相逢  
每恨來何晚掃室殷勤問酒瓊糝將何點白葵羹捧出休源赤倉飯在來不顧  
世眼驚相對拉雜談生平文人失職有同病出吻各作寒號聲君言穉齒飢寒  
迫棄擲詩書最堪惜弱冠方傳作賦才壯年始奪談經席五經復興魯叔陵  
纍著作充箱羸心開竅竄深莫測面若刻畫森有稜奔走風塵飢欲死撐腸萬  
卷徒爲耳肉食難分博士羊草衣且牧公孫豕羌余少小趨雕華斧案繡帽相  
矜誇愛儲奇字未滿腹慣拈強韻空聲牙千秋絕業不同傳君入儒林我文苑  
須識夔蛇總可憐何當蝨距聯爲伴坐談不覺日影移榜人催上河之麋即今  
一見復奚益翻令千里勞相思留君不住我心苦握手臨岐涕如雨他時相望  
越王臺何日同澆趙州土布帆無恙臨風颺秋來應看錢唐潮潮頭倘有雙赤



鯉盼君寄我英瓊瑤時容甫將之浙東節以贈行

聽雨齋集

吳照南

汪容甫過訪

虛館從無剝啄聲款門君喜訂新盟襟期落落談經史聚散茫茫念友生回首  
風塵凋短鬢脫身溥壑事躬耕天寒動我歸與興對酒當歌此日情

答汪容甫贈別元韻

不關別酒醉先沈都為將衰淚漬襟獨自成家編述學容甫述學無多同調感知音  
歲殘久識風霜味遊倦頻生媿悔心分手余猶歎孤陋青鐙尚欲補光陰

汪容甫五十

十年以長敢肩隨海內如君識面遲孫楚在鄉交口詆揚雄後世有人知親操  
總賴閨中婦夙慧頻誇膝下兒多少名山俯江外待藏述作更無辭

澄清堂藁

孫淵如

為金雲莊比部德輿題李憲吉明經且華遺影

畫裏相看有宿緣一編詩翰最翩翩可憐當日人琴痛恰是顏回髮白年李君于九而卒  
山陽聞笛共聲吞風義知君夙昔敦我到西湖痛師友一尋宿草一招魂時錫康也

及訪汪容甫  
葛嶺園死處

竹雲詩集

黃竹雲

葛林園弔汪容甫先生

嶺上仙翁竟返真霞光雲色六時新湖山雅愛千秋客風雪曾哀一代人王猛  
空懷經世略虞卿竟死著書身西湖本是招魂地腸斷雷塘草木春



夢陔堂詩集

黃春谷

讀汪容甫遺詩

經術吾鄉讓始通  
漸摩奚啻列家宗  
顧良尚憶宗何妥  
王粲偏虛語  
蒼色漫道一文難  
識虎欣從九色已  
窺龍碎金零落無  
多在字字都成百鍊鋒



黃承吉

爲汪孟慈農部題其尊人容甫先生並祀西湖金山事

孟慈來書云先人祀詒經精舍及金山精法樓足下不可無詩此事非大作無以章之曷勝仰企足下長於說經乞作三閣校書記以彰先人佚事云云孟慈見屬此役已久今始爲之詒經精舍者杭州祀許祭酒鄭司農以下諸公處也詩中麀角句者余始識先生於鮑氏棠樾別業就與談論有學如牛毛成如麀角之語西湖句者先生之杭校書讐勘勞勩由此致病而歿書樓者三閣皆稱御書樓江焦鍾李謂鄭堂里堂敲厓濱石蓋昔年四方來邗者於同人有江焦黃李之目江焦或稱鍾焦而黃則謂余也諸人年齒少於先生故曰先後卽以此當記可矣吾鄉學者力學始先有先生後諸子邃經邃史邃文章三者由來稱並美廣陵一對辭瑰奇負石合金作神理留傳述學數卷書上下旁通極原委憶子弱冠初識君麀角相期不相鄙後來再見無幾回一病遂見西湖泚君生木爲校書



去死作經神固應爾詒經精舍今祀君咫尺書樓笑堪倚爭輝光有精法樓跌  
蕩江天更無比三閣原來重一人當時名譽高如此後此鄉儒接踵興崛起紛  
綸許多士當君好在未沒時已播江焦及鍾李學躋堂與非坐隅許鄭曹劉一  
時擬繫余竊附何敢當比似諸君續貂耳我  
朝學業大昌明不數空談求實是詔開四庫羅羣書漸被津原到臣里大哉  
文滙連文宗照耀文瀾角相倚先生在在皆緇研萬八千函供一指即今蹟深  
足俎豆尚覺芸香盈席几好事能無望古深儒生不是酬庸侈感君哲嗣促余  
詩奮筆吟成爲君紀觀摩更憶昔時人星流雲散俱已矣

程讓堂

寄輓汪容甫兼以弔其孤且屬其檢收遺書藏之乾隆乙卯二月十八

日也

校才君宜得八斗述學一篇芽初萌容甫僅刻學內  
篇三卷外篇卷爲語郎君寶遺卷愛護當知視

鑿楹學齋先鑿楹納  
書字非視之

劉建臨

郡城送諸兄弟北歸昔年此日別汪容甫處

一片離人月年年此渡頭秋風吹過客落葉送行舟別夢憐今夕岐途感舊遊  
寒江鳴咽水不向故鄉流

沈楓墀

挽汪容甫先生

我哭汪夫子悽然涕淚多此生真偃蹇力學未蹉跎與行廣陵對清華寶鼎詞  
幽情寄碑碣小像署維摩



姑孰逢官署於今已廿年齊名顧與李宿草墓爲田空遂還山願徒勞點鬼編  
古人多地下吾計正茫然

胡聖基

題容甫先生京江祠壁

千秋一脈絕學續容甫先生三冬足包羸越劉與姬徒傳道解惑授訓讀河汾  
講學學殖存弟子如林乃盈門辦香俎豆祠不絕鄉之先生溯淵源

王勾生

儒林汪先生校書金山精法樓京口士人祀之

吾鄉有達人矜式盛當世高名傳儒林雄姿軼文藝偉哉鯉庭承美矣鳳毛濟  
講幄縣潤州經術備邊竒嶸嶼金山峯飛樓丹刻麗裘帶時來遊手澤憶茲地  
仰止和從賢淵源去日思畫几臨清波雕邊薦蕪精神迎花墻前位設錦函次  
風流江水長雅道望不墜古者隆祀典功德議勿替峴首一片碑猶墮居民淚  
得權行所求尸祝指近事無情徒張皇山川詎維繫畸傑悲遇窮佔畢恥事細  
浪跡棲何常沒身感其類遠聞稱美談近切向往志微論豪素閒聊與雪鴻寄



王二波

孟慈農部自都門書來爲述寶晉書院生徒祀先公容甫先生粟主於  
金山精法樓譜金縷曲一闕寄呈

話別三年矣恁迢迢菊苗水長鯉魚風起日暮停雲江東望喜慰相思片紙更  
備述先人遺事成佛生天非虛說奉心香一瓣南朝寺新俎豆舊桃李 參禪  
留帶同龕地算當年坡仙去後祇公能嗣風月江山傳千古應有英靈戀此轉  
自媿蘇瓌無子卅載浮名先心死

先君子主講真州峯秋荷  
門下諸君奉祭講說

痛麓官難繼楹書志今昔感淚

如水



張訊槎

丁酉九秋汪孟慈農部自都門書來爲述寶晉講院生徒祀先儒林容甫先生於金山精法樓譜如此江山寄呈

遙天盼斷征鴻影都門尺書纔到示我新題書君舊感一吐先生懷抱翻增悞  
惱惱隔岸江潮莫尋孤櫂具有先型觸來風木淚多少 儒林已傳不朽佛龕  
今供養天地同老寶瑟塵生金鑪香燼舉世淒涼同調花飛水杳料天上修文  
玉樓先召一閣凌虛數峯青未了



第 号

平成 3.11.22

聖和学  
國短大  
圖書館

